

## **Memoria xustificativa e económica do acordo de colaboración entre Augas de Galicia e a Axencia para a Modernización Tecnolóxica de Galicia para a instalación de equipamento de tecnoloxías da información e a comunicación no centro de proceso de datos integral e para a prestación de servizo na modalidade IaaS, mediante tramitación anticipada de gasto**

### **1. Antecedentes**

Augas de Galicia é unha entidade pública empresarial con personalidade xurídica propia e plena capacidade de obrar para o cumprimento dos seus fins e das competencias reguladas pola Lei 9/2010, do 4 de novembro, de augas de Galicia.

Para o desenvolvemento destas competencias é de vital importancia a dotación e instalación de determinado equipamento informático que precisa da tecnoloxía e dos medios axeitados, carecendo Augas de Galicia dos medios técnicos idóneos para dotarse desta tecnoloxía.

A Amtega é unha axencia pública autonómica adscrita á Consellería de Facenda e Administración Pública da Xunta de Galicia, que ten como obxectivos básicos a "definición, o desenvolvemento e a execución dos instrumentos da política da Xunta de Galicia no eido das tecnoloxías da información e a comunicación e a innovación e o desenvolvemento tecnolóxico."

De acordo co artigo 188 da Lei 6/2023, do 2 de novembro, de patrimonio da Comunidade Autónoma de Galicia a Administración xeral da Comunidade Autónoma de Galicia e as entidades públicas instrumentais poden celebrar convenios con outras administracións públicas ou con persoas xurídicas de dereito público ou dereito privado pertencentes ao sector público, co fin de ordenar as relacións de carácter patrimonial entre estas nun determinado ámbito ou de realizar actuacións consideradas na presente lei en relación cos bens e dereitos dos seus respectivos patrimonios.

A Axencia e Augas de Galicia asinaron o 29 de agosto de 2016 a Resolución pola que se regula a migración de equipamento tic das entidades públicas (servizos) ao centro de proceso de datos integral (CPDI).



O 22 de outubro de 2021 asinouse o Convenio de colaboración entre a Axencia para a Modernización Tecnolóxica de Galicia e Augas de Galicia para a instalación de equipamento TIC no centro de proceso de datos integral (CPDI) e prestación de servizo na modalidade de IaaS.

## **2. Oportunidade e xustificación da necesidade de colaboración**

O Centro de Proceso de Datos Integral constitúe o corazón dixital de Galicia contribuíndo a mellorar a competitividade, reducir custos, acadar unha mellor eficiencia enerxética, unha maior flexibilidade, interoperabilidade e seguridade así como unha simplificación da xestión e unha homoxeneización da estratexia tecnolóxica da Xunta.

A situación do CPDI na Cidade da Cultura de Galicia responde á procura da optimización dos recursos públicos e reducir gasto, unificando nun so espazo os distintos locais nos que se situaba o equipamento de telecomunicacións e proceso de datos da Comunidade Autónoma de Galicia, mellorando a súa dotación e ampliando os usos e a explotación do complexo da Cidade da Cultura de Galicia sumando os usos tecnolóxicos aos propiamente artísticos e culturais.

## **3. Obxectivos que se pretenden**

O obxecto deste convenio é establecer as condicións da instalación dos sistemas informáticos e tratamento de datos (equipamento das TIC) propiedade de Augas de Galicia no centro de proceso de datos Integral da Xunta de Galicia (CPDI). Concretamente consiste en aloxar no CPDI o sistema informático de Augas de Galicia na modalidade de "housing". Estes sistemas TIC ocupan un total de 2 armarios tipo rack para aloxar os seus servidores. No referente á protección de datos, o contido que se aloxará nestas unidades contén categorías especiais de datos.

Así mesmo, este acordo ten por obxecto a regulación da prestación dun modelo de Cloud Privada. En concreto, este servizo consiste na posta a disposición de Augas de Galicia de recursos de procesamento e almacenamento a través da rede en modalidade IaaS (infraestrutura como servizo).



#### 4. Prazo de execución

Este acordo entrará en vigor o día 01/01/2025 ou, no caso de asinarse con posterioridade a esta data, na da súa sinatura; a súa vixencia manterase ata o 31/12/2028, podendo prorrogarse por un período máximo igual ao da súa duración inicial mediante a subscrición da correspondente addenda.

#### 5. Estimación de custos e financiamento

O importe máximo anual dos servizos que faga uso Augas de Galicia será de 40.000,00 €. Augas de Galicia realizará o gasto con cargo ao seu programa de actuacións, investimentos e financiamento, e o gasto imputarase á conta 6216 "Arrendamentos. Equipos para procesos de información" do Plan xeral de contabilidade pública de Galicia, coa seguinte distribución de anualidades:

- 2025: 40.000,00 €
- 2026: 40.000,00 €
- 2027: 40.000,00 €
- 2028: 40.000,00 €

Por canto antecede xustifícase plenamente a utilización desta figura, para a realización dos traballos descritos

Santiago de Compostela, na data da sinatura electrónica

O director de Augas de Galicia

Roi Fernández Añón

